

Taiala Faaletaitaiga mo Talafaasolopito o Aiga

Faatomuaga

O lenei taiala faaletaitaiga e faaopoopo i le *Tusitaulima o Faatonuga a le Ekalesia, Tusi 2: Taitai Perisitua ma Ausilali*, vaega e 9, “Galuega o le Malumalu ma Talafaasolopito o Aiga.” O loo talanoaina ai auala e mafai ai e au peresitene o siteki, fautua maualuga o loo avefa ma faufautua, au epikopo, ma taitai vaega o faitaulaga sili ona:

- Faatino ma faafoe ia polokalama o talafaasolopito o aiga.
- Saunia ma tuuina atu taitaiga i taumafaiga mo talafaasolopito o aiga.

O loo lisi atu i le siata o i le faaiuga o lenei taiala ia tiutetauave patino o taitai perisitua ma le au faigaluega o talafaasolopito o aiga.

Mo nisi faamatalaga faaopoopo ma faatonuga pe faapefea ona faafoe talafaasolopito o aiga i siteki ma uarota, tagai i itulau o Talafaasolopito o Aiga o i le vaega o le “Serving in the Church” [Auauna atu i le Ekalesia] o le LDS.org.

Vaai Aoa

Ua i ai le faatulagaga o talafaasolopito o aiga i siteki ma uarota e fesoasoani ai i tagata e faavasega o latou augatuaa, faafesootai o i latou aiga, ma faamaunoina ua faia sauniga o le malumalu mo i latou.

Talafaasolopito o Aiga ma le Misiona a le Ekalesia

O talafaasolopito o aiga, e mafai ai e taitai perisitua ona fesoasoani e folafola atu le talalelei, faatoatoa le Au Paia, ma faaola i e ua maliliu. O tagata e auai i le faatino o talafaasolopito o aiga ma faia sauniga o le malumalu mo o latou augatuaa, e foliga mai o loo soifua i ni olaga e tutotonu ai le talalelei. E foliga mai o loo faia a latou tatalo faaletagata lava ia ma faaleaiga, sutesue tusitusiga paia e le tagata lava ia ma faaleaiga foi, ma faia e le aunoa afiafi faaleaiga. E mafai e taitai ona faaoga talafaasolopito o aiga e faamalolosia ai tagata o le ekalesia ma aiga, ma aapa atu ai i tagata o nuu ma alalafaga e faailoa atu i latou i le Ekalesia. E mafai ona latou faaogaina talafaasolopito o aiga i le faaliliuina mai, faatumauniga, ma le faatoagaina mai.

Taitai Perisitua Autu

I lalo o le taitaiga a le au peresitene o le siteki ma le au epikopo, o le fautua maualuga ua tofia e avefa ma faufautua ma le taitai vaega o faitaulaga sili, o taitai perisitua autu na e faafoeina ma faamaopoopo taumafaiga o talafaasolopito o aiga i le siteki ma le uarota. I uarota po o paranesi e leai se taitai vaega o

faitaulaga sili, o se uso o le au peresitene o le korama a toaina e tofia na te faataunuuna lea matafaioi.

Faufautua o Talafaasolopito o Aiga

O le ki lava o se polokalama faamanuiaina o talafaasolopito o aiga, o faufautua ia e fono taitoatasi ma tagata o le au paia ma aiga, e fesoasoani ia te i latou e amata a latou galuega o talafaasolopito o aiga ma faaauai lava. E fautuaina atu e taitai vaega o faitaulaga sili ae tofia e au epikopo ma vae-tofia se fautua pe sili atu foi ni faufautua ia lava, e faafetaia’ia le tulaga manaomia o tagata i uarota taitasi. E mafai foi ona tofia faufautua e faiaoga i vasega o talafaasolopito o aiga, tautua i le nofoaga autu o talafaasolopito o aiga, ma saunia aoaoga mo talafaasolopito o aiga. O le taitai vaega o faitaulaga sili e vaavaaia ia faufautua o talafaasolopito o aiga i la latou auunaga i le uarota. O le faatonu o le nofoaga autu o talafaasolopito o aiga na te vaavaaia ia faufautua i la latou tautua i le nofoaga autu.

O le mea e sili, o le galulue sa’o lea o faufautua o talafaasolopito o aiga ma tagata i o latou aiga, ma auuina atu i se nofoaga autu o talafaasolopito o aiga ina ia mafai ai ona latou faamasani ma punaoa uma o loo maua ai, e fesoasoani ai i tagata o le ekalesia. O nuu e leai se nofoaga autu o talafaasolopito o aiga e latalata ane i faufautua, e mafai ona latou galulue sa’o faatasi ma tagata i le latou uarota. E i ai nisi tulaga, e tofia patino ai faufautua e galulue auuina i na o nofoaga autu o talafaasolopito o aiga.

O le fautua maualuga o loo avefa ma faufautua, e mafai ona galulue soosoo tau’au ma au epikopo ma taitai vaega o faitaulaga sili e tofia se fautua po o ni faufautua e sili atu o talafaasolopito o aiga, e saunia ni aoaoga mo faufautua ma isi o i ai vala-auga i talafaasolopito o aiga.

O Le Polokalama Faavae

O le polokalama faavae o talafaasolopito o aiga a le Ekalesia, e aofia ai faufautua o talafaasolopito o aiga i le uarota, o i latou ia e fono taitoatasi ma tagata ma aiga e fesoasoani ai ia te i latou e fai o latou talafaasolopito o aiga. O le polokalama lea:

- E ofo atu le fesoasoani a faufautua i tagata o le uarota, o ni nai tagata taitoatasi po o ni aiga i se taimi e fesoasoani ai ia te i latou ina ia auai i le faiga o talafaasolopito o aiga. A o faia e faufautua lenei mea, e oo mai le taimi o le a mafai ai e tagata uma o le uarota ona maua le avanoa e maua ai le fesoasoani mai se faufautua o talafaasolopito o aiga.
- E taulai faapitoa atu ia faufautua i tagata e fautuaina mai e le taitai vaega o faitaulaga

sili e ala i le komiti a taitai o le perisitua po o aufono a le uarota. I lalo o le taitaiga a le au epikopo, e lipoti atu ai e le taitai vaega o faitaulaga sili i fonotaga ia taumafaiga o le malumalu ma talafaasolopito o aiga, i le komiti a taitai o le perisitua ma fonotaga a aufono a le uarota. Na te talanoaina le auala e mafai ai i lana auunaga ona faamanuiaina olaga o tagata taitoatasi ma aiga.

- E folasia atu e faufautua i tagata fou o le ekalesia ia mataupu faavae o le galuega o malumalu ma talafaasolopito o aiga. Latou te fesoasoani i uso fou ia iloa o latou augatuaa ma faia sauniga manaomia o le malumalu mo i latou. O mea e mafai ai, latou te fesoasoani ia i latou ina ia malaga atu i le malumalu ina ia papatisoina ai ma faamauiina mo o latou augatuaa.

Auala e Faatino ai e Taitai le Polokalama Faavae

Ina ia faatino le polokalama faavae o talafaasolopito o aiga, o mea nei e faia e le au epikopo ma le taitai vaega o faitaulaga sili:

O le au epikopo:

- E tofia ma vaetofia se faufautua e toatasi pe sili atu foi o e o le a toaaga e aapa atu e fesoasoani i le au paia ina ia auai i le faatinoina o talafaasolopito o aiga.
- Tuuina atu le taitaiga i le komiti a taitai o le perisitua ma fonotaga a aufono a le uarota e uiga i tagata ma aiga e mafai ona faafesootai e faufautua o talafaasolopito o aiga.
- Ia mautinoa e maua e tagata fou o le Ekalesia le avanoa i le taimi lava e maea ai ona papatiso, le fesoasoani mai se faufautua o talafaasolopito o aiga e faailoa atu ai augatuaa ma faia sauniga mo i latou.
- Maua mai e le aunoa se lipoti mai le taitai vaega o faitaulaga sili i taumafaiga mo le malumalu ma talafaasolopito o aiga i le uarota.

O le taitai vaega o faitaulaga sili:

- Fautuaina mai se tagata se toatasi pe sili atu e mafai ona valaauina ma vaetofia e le au epikopo e avea o ni faufautua o talafaasolopito o aiga.
- Ia mautinoa ua aoaoina ia faufautua o talafaasolopito o aiga ma mafai ona faatau-nuina o latou valaauga. Na te fautuaina faufautua ina ia lesitala i luga o le initoneti i le consultant.familysearch.org ina ia mafai ai ona latou faamaeaina aoaoga mo faufautua.
- Tuuina atu e le aunoa se lipoti i taumafaiga a le malumalu ma talafaasolopito o aiga i le uarota i faatalanoaga ma taitai perisitua,

komiti a taitai o le perisitua, ma fonotaga a aufono a le uarota. Na te lipoti atu e uiga i le fesoasoani ua tuuina atu e faufautua i tagata ma aiga faapitoa.

- Taitai i talanoaga a le talafaasolopito o aiga i le komiti a taitai o le perisitua ma fonotaga a aufono a le uarota, i lalo o le taitaiga a le epikopo, e fautuaina ai ni tagata ma aiga e mafai ona faafesootai e faufautua.
- Fono e le aunoa ma faufautua o talafaasolopito o aiga e tuuina atu fautuaga ma le fesoasoani. Na te tofia i latou e faafesootai ia tagata na fautuaina atu e le komiti a taitai o le perisitua po o le aufono a le uarota. Na te iloiloina le tulaga faamanuiaina o faufautua i le fesoasoani atu lea i tagata e faia talafaasolopito o aiga.

Auala e Faatino ai e Taitai ia Polokalama Faaopopo o Talafaasolopito o Aiga

O polokalama faaopopo o talafaasolopito o aiga, e pei o le sailia o tala faamaumau o aiga ma nofoaga autu o talafaasolopito, e taitai e le siteki ae faafoe e le fautua maualuga o loo avea ma faufautua.

Sailia o Tala Faamaumau o Aiga

E mafai e siteki ona talosagaina le polokalama o le sailia o tala faamaumau o aiga e tuuina atu ai le avanoa mo tagata e auai ai i le faatinoina o talafaasolopito o aiga. E ala atu i le sailia o tala faamaumau o aiga, e fatuina ai e tagata ia taiala mo faamatalaga o talafaasolopito o aiga i pepa o faamatalaga e pei o faamaumauga o le faitau aofai o tagata, faamaumauga a le ekalesia, ma faamaumauga taua. Ona avanoa lea o nei taiala e ala i punaoa o talafaasolopito o aiga a le Ekalesia i luga o le Initoneti. E mafai e tagata ona sueina nei taiala e saili ai o latou augatuaa ma tuuina atu sauniga mo i latou.

Faatonu ma le Au Faigaluega o le Sailia o Tala Faamaumau o Aiga

O le fautua maualuga o loo avea ma faufautua e faafoeina polokalama o le sailia o tala faamaumau o aiga. O le fautua maualuga o loo avea ma faufautua na te fautuaina mai tagata e valaauina o se faatonu, faatonu lagolago (pe a manaomia), o le sailia o tala faamaumau o aiga a le siteki, ma le au faigaluega mo le sailia o tala faamaumau o aiga. O se tasi o le au peresitene o le siteki po o le fautua maualuga o loo avea ma faufautua na te valaauina ma vaetofia ia nei tagata.

Talosaga ma Faatino le Sailia o Tala Faamaumau o Aiga

O le faamatalaga i le auala e talosagaina ai e le au peresitene o le siteki le polokalama mo le sailia o tala faamaumau o aiga mo le latou siteki o loo

maua i le *Tusitaulima o Faatonuga a le Ekalesia, Tusi 2*, vaega e 9, itulau 297.

O laasaga tonu e mulimuli ai le fautua maualuga o loo avea ma faufautua i le faataunuuina o le sailia o tala faamaumau o aiga o loo lisiina i le siata o i le faaiuga o lenei taiala. Mo nisi faamatalaga e uiga i le sailia o tala faamaumau o aiga, tagai i le *Family Record Extraction Administrative Handbook [Tusitaulima Faaletaitaiga o le Polokalama o le Sailia o Tala Faamaumau o Aiga]* (30985), pe faafesootai le faufautua o talafaasolopito o aiga i le eria.

Nofoga Autu o Talafaasolopito o Aiga

O nofoaga autu o talafaasolopito o aiga o se punaoa aoga tele mo faufautua o talafaasolopito o aiga, e fesoasoani lea i tagata i le sailia o o latou augatuaa ma tuuina atu sauniga o le malumalu mo i latou. O nofoaga autu o talafaasolopito o aiga e tuuina atu ai i tagata o le ekalesia ma tagata o le alalafaga e faaaogaina le avanoa mo punaoa o talafaasolopito o aiga, e pei o le FamilySearch™ ma faamaumauga a le Ekalesia o gafa i ata mataninii. E mafai e nofoaga autu ona aoaoina tagata ma faufautua i auala e faaoga ai punaoa o nofoaga autu o talafaasolopito o aiga.

Faatonu o Nofoga Autu ma Faufautua

O le fautua maualuga o loo avea ma faufautua na te faafoeina ia nofoaga autu uma o talafaasolopito o aiga a le siteki. Na te fautuaina atu tagata ina ia valaauiina e avea ma faatonu ma faatonu lagolago (pe a manaomia) o nofoaga autu o talafaasolopito aiga. O se tasi o le au peresitene o le siteki po o le fautua maualuga o loo avea ma faufautua na te valaauiina ma vaetofia ia nei tagata. O faatonu o nofoaga autu e nafa ma le faagaioiina o nofoaga autu o talafaasolopito o aiga. O tiute ma matafaioi o faatonu o nofoaga autu o talafaasolopito aiga o loo talanoaina i le *Family History Center Operations Guide* (34051).

O nofoaga autu o talafaasolopito o aiga e galulue ai faufautua o talafaasolopito o aiga. I lalo o le taitaiga a le au peresitene o le siteki, o le fautua maualuga o loo avea ma faufautua na te faamaopoopoina faatasi ma au epikopo ma taitai vaega o faitaulaga sili, e tofia ia lava ni faufautua o talafaasolopito o aiga e galulue i nofoaga autu taitasi o talafaasolopito o aiga i totonu o le siteki. E mafai e tagata o le alalafaga ona tautua o ni volenitia i nofoaga autu, pe a faamaonia ai e le fautua maualuga o loo avea ma faufautua.

Iloilo Pe Manaomia se Nofoga Autu

O faamatalaga a le Ekalesia o talafaasolopito o aiga ua faateleina ona maua i luga o le Initoneti. E mafai e tagata o le ekalesia ona faia le tele o o

latou talafaasolopito o aiga, e aofia ai le tuuina atu o igoa i le malumalu, i o latou lava fale ma po o fea lava e mafai ona latou maua ai le Initoneti.

O le faamaoniga a le Ekalesia mo nofoaga autu fou o talafaasolopito o aiga e masani lava ona faamatuu mai i eria o le lalolagi o loo faatapulaa pea le mauaina o le Initoneti. O tagata o le ekalesia ma faufautua o talafaasolopito o aiga i nei eria e faaaogaina le fesootaiga i le Initoneti i nofoaga autu o talafaasolopito o aiga ina ia mafai ai ona faaoga le FamilySearch. I eria o le lalolagi o loo maua ai e tagata o le ekalesia le Initoneti i o latou fale, na o tulaga faapitoa lava e faamaonia ai se talosaga mai siteki mo nofoaga autu fou o talafaasolopito o aiga.

Faatu pe Toe Sui le Tulaga o se Nofoga Autu

O faamatalaga i le pe faapefea ona talosaga e le au peresitene o le siteki se nofoaga autu fou po o le toe sui o le tulaga o se nofoaga autu o loo i ai nei, o loo maua i le *Tusitaulima o Faatonuga a le Ekalesia, Tusi 2*, vaega e 9, itulau 299.

O laasaga tonu e mulimuli ai le fautua maualuga o loo avea ma faufautua i le fautuina o se nofoaga autu o talafaasolopito o aiga o loo lisiina i le siata o i le faaiuga o lenei taiala. Mo nisi faamatalaga e uiga i nofoaga autu o talafaasolopito o aiga, ia faafesootai le faufautua o talafaasolopito o aiga o le eria. Mo faamatalaga i auala e faagaioi ai se nofoaga autu, tagai i le *Family History Center Operations Guide* (34051).

Taiala Faaleperisitua mo Tagata e i ai Valaauga mo Talafaasolopito o Aiga

O le fautua maualuga o loo avea ma faufautua ma taitai vaega o faitaulaga sili e fono faatasi pe faafesootaia faalemasina pe faatele pe a mafai, le au faigaluega o loo latou nafa ma le vaaiga. I nisi o eria, ona o le mamao, atonu e manaomia e taitai perisitua ona fesootai ma le au faigaluega i le telefoni po o isi ala o faasalalauga, e pei o i-meli. I nei fonotaga po o fesootaiga, e mafai e le au faigaluega o talafaasolopito o aiga ona lipoti atu e uiga i a latou valaauga ma maua mai fautuaga mai o latou taitai.

O le fautua maualuga o loo avea ma faufautua ma taitai vaega o faitaulaga sili e talosagaina e le aunoa se lipoti mai le au faigaluega o talafaasolopito o aiga pe o a mai le faataunuuina o o latou valaauga ma soo se tofiga faapitoa. Ona tuuina atu lea e nei taitai se lipoti i le au peresitene o le siteki po o le au epikopo i fonotaga a komiti a taitai o le perisitua ma aufono a siteki ma uarota. O le lipoti atu e le aunoa e tuuina atu ai i taitai perisitua ma le au faigaluega o talafaasolopito o aiga ia avanoa e fefautuaai faatasi ai ma taulai atu i le agai i luma o taumafaiga a talafaasolopito o aiga.

Tiutetauave Faaletaitaiga mo Talafaasolopito o Aiga

Tulaga	E faia mea nei:
<p>Au Peresitene o le Eria po o se tasi o le Au Peresitene o Fitugafulu e tofia</p>	<p>Fafoeina gaoioiga o le malumalu ma talafaasolopito o aiga i le eria:</p> <ul style="list-style-type: none"> • Aoa atu aoaoga faavae o galuega o malumalu ma talafaasolopito o aiga. • Aoa atu i taitai o latou tiutetauave o malumalu ma talafaasolopito o aiga. • Valaauina ma vaetofia se tagata se toatasi pe sili atu e avea o ni faufautua o talafaasolopito o aiga i le eria e fesoasoani i le fafoeina o galuega o malumalu ma talafaasolopito o aiga i le eria.
<p>Faufautua o talafaasolopito o aiga i le eria</p>	<p>Fesoasoani i le fafoeina o galuega o malumalu ma talafaasolopito o aiga i le eria:</p> <p>Lipoti</p> <ul style="list-style-type: none"> • E lipoti atu i le Au Peresitene o Fitugafulu po o le Au Peresitene o le Eria. • Tuuina atu faamatalaga i le au taitai o le eria i le tulaga ma fuafuaga a le Matagaluega o Talafaasolopito o Aiga ma le Ekalesia. • Logoina le matagaluega e uiga i manaoga ma gaoioiga o talafaasolopito o aiga o le eria ma galulue faatasi ma le matagaluega mo le mauaina mai o punaoa talafeagai. <p>Aoaoina</p> <ul style="list-style-type: none"> • E tuuina atu aoaoga i taitai o le siteki ma isi i totonu o siteki ma uarota e pei ona faatonuina pe faamaonia ai e le Au Peresitene o Fitugafulu po o le Au Peresitene o le Eria. <p>Fafoeina le lagolago i talafaasolopito o aiga</p> <ul style="list-style-type: none"> • E fafoeina le lagolago i talafaasolopito o aiga ma le au faamisiona i talafaasolopito o aiga o le eria i lalo o le taitaiga a le Matagaluega o Talafaasolopito o Aiga ma le Ekalesia, e pei ona faamaonia ai e le Au Peresitene o Fitugafulu po o le Au Peresitene o le Eria.
<p>Au peresitene o le siteki</p>	<p>Fafoeina galuega o le malumalu ma talafaasolopito o aiga i le siteki:</p> <ul style="list-style-type: none"> • E tofia se fautua maualuga se toatasi pe sili atu e avea o ni fautua maualuga o loo avea ma faufautua e fesoasoani i le fafoeina o le galuega o le malumalu ma talafaasolopito o aiga. • Iloilo pe tatau ona auai le siteki i le sailia o tala faamaumau o aiga. • Iloilo pe tatau ona talosaga e le siteki se nofoaga autu o talafaasolopito o aiga. <p>Uunaia tagata o le ekalesia</p> <ul style="list-style-type: none"> • E fai ma faataitaiga i le faia o galuega o malumalu ma talafaasolopito o aiga. • E fesoasoani i tagata ia aofia ai i le galuega e ala i le faasoaina atu o molimau ma aafiaga ma ia mautinoa o loo aoaoina e le aunoa ia aoaoga faavae, mataupu faavae ma faamanuiaga e faatatau i le galuega o malumalu ma talafaasolopito o aiga i fonotaga po o sauniga a siteki ma uarota. • Fesoasoani i tagata e saunia mo le mauaina o o latou lava sauniga o le malumalu. • Uunaia tagata e saili o latou aiga ua malilili ma tuuina atu sauniga o le malumalu mo i latou. • Uunaia tagata e auai atu e le aunoa i le malumalu pe a mafai.
<p>Fautua maualuga o loo avea ma faufautua</p>	<p>Fesoasoani e fafoe galuega o malumalu ma talafaasolopito o aiga i le siteki, i lalo o le taitaiga a le au peresitene o le siteki:</p> <ul style="list-style-type: none"> • Ia mautinoa ua faatulagaina le siteki e tuuina atu punaoa i uarota e fesoasoani ai i tagata i a latou galuega o malumalu ma talafaasolopito o aiga.

Aoaoina

- E fai ma faataitaiga i le faia o galuega o malumalu ma talafaasolopito o aiga.
- Ia malamalama i galuega o malumalu ma talafaasolopito o aiga ma fesoasoani i le au peresitene o le siteki i le aoaoina o isi taitai ma tagata i leinei galuega. E mafai ona ia tofia faufautua o talafaasolopito o aiga e fesoasoani ia te ia i le tuuina atu o aoaoga o talafaasolopito o aiga.
- E aoaoina taitai vaega o faitaulaga sili ma taitai o le korama a toeaia i o latou tiute-tauave o malumalu ma talafaasolopito o aiga ma ia mautinoa ua faatulagaina ia siteki, uarota, ma korama e fai galuega o malumalu ma talafaasolopito o aiga.

Lipoti

- E fono e le aunoa ma le au peresitene o le siteki e lipoti atu ai le galuega o malumu ma talafaasolopito o aiga ma ia maua mai ai fautuaga.

Faafocina polokalama faaopoopo o talafaasolopito o aiga

- Faafocina le faagaioia o nofoaga atu o talafaasolopito o aiga ma polokalama o le sailia o tala faamaumau o aiga.
- E fautuaina le taimi e tatau ai ona auai le siteki i le polokalama o le sailia o tala faamaumau o aiga.
- E fautuaina le fautuina ma tulaga o nofoaga atu o talafaasolopito o aiga, pe a manaomia.
- E fautuaina atu tagata e valaauina e avea ma faatonu o nofoaga atu o talafaasolopito o aiga, faatonu e sailia tala faamaumau o aiga, ma le au faigaluega i le sailia o tala faamaumau.

Faatino le sailia o tala faamaumau o aiga:

- E fautuaina atu se tagata e avea ma faatonu e sailia tala faamaumau o aiga a le siteki. I lalo o le taitaiga a le au peresitene o le siteki, o le fautua maualuga o loo avea ma faufautua, pe a tofia i ai, e tuuina atu se tofiga ma vaetofia le faatonu e sailia tala faamaumau o aiga a le siteki.
- E talanoa ma le faatonu e sailia tala faamaumau o aiga a le siteki e iloilo ai pe manaomia ni faatonu lagolago e sailia tala faamaumau o aiga a le siteki.
- E galulue ma taitai vaega o faitaulaga sili e saili tagata e avea o ni faatonu lagolago e sailia tala faamaumau o aiga a le siteki (pe a manaomia) ma ni au faigaluega i le sailia o tala faamaumau. I lalo o le taitaiga a le au peresitene o le siteki, pe afai e tofia ai, na te tuuina atu ni valaauga ma vaetofia faatonu lagolago e sailia tala faamaumau o aiga a le siteki ma le au faigaluega e sailia tala faamaumau o aiga.
- Ia mautinoa ua malamalama faatonu, faatonu lagolago ma le au faigaluega e sailia tala faamaumau o aiga i o latou tiutetauave ma ua aoaoina i le faataunuuina o o latou tofiga.

Fautuina nofoaga atu o talafaasolopito o aiga:

- E galulue faatasi ma le pule o fale ma fanua i le iloiloina po o fea e tatau ona faatu ai se nofoaga atu ma talosagaina soo se toe faafouga laitiiti e tuu ai meafaigaluega faaletise ma masini a le nofoaga atu.
- E fautuaina atu tagata o e mafai ona valaauina e tautua o ni faatonu o le nofoaga atu o talafaasolopito o aiga. I lalo o le taitaiga a le au peresitene o le siteki, pe afai e tofia ai, na te tuuina atu valaauga ma vaetofia ni faatonu o nofoaga atu o talafaasolopito o aiga.
- E talanoa ma faatonu o nofoaga atu o talafaasolopito o aiga e iloilo ai pe manaomia ni faatonu lagolago o le nofoaga atu o talafaasolopito o aiga.
- E galulue faatasi ma faatonu o nofoaga atu ma taitai vaega o faitaulaga sili e sailia tagata e tautua o ni faatonu lagolago o nofoaga atu o talafaasolopito o aiga (pe a manaomia). O le fautua maualuga o loo avea ma faufautua, pe a tofia ai, e valaauina ma vaetofia ia faatonu lagolago o nofoaga atu o talafaasolopito o aiga.

	<ul style="list-style-type: none"> • Faia tofiga i uarota e tuuina mai ni faufautua o talafaasolopito o aiga e galulue i le nofoaga autu. E mafai ona auuuna atu tagata o le alalafaga o ni volenitia, pe a faamaonia e le fautua maualuga o loo aveva ma faufautua. • Ia mautinoa ua malamalama faatonu o nofoaga autu o talafaasolopito o aiga ma i latou e galulue i nofoaga autu i o latou tiutetauave ma ua aaoaina i le faataunuaina o o latou tofiga. • Talanoa ma faatonu o nofoaga autu o talafaasolopito o aiga e fesoasoani ia i latou e faia se talosaga mo se paketi faaletausaga ma ia mautinoa e tuuina mai faaletausaga e le siteki ni tupe e faagaoioi ai nofoaga autu i le siteki. • E iloiloaina suogatusi a le nofoaga autu o talafaasolopito ma galulue ma faatonu ia mautinoa o loo ogatasi ma aiaiga ma le puleaina o tupe.
<p>Au epikopo</p>	<p>Faafocina galuega o malumalu ma talafaasolopito o aiga a le uarota:</p> <ul style="list-style-type: none"> • E valaauina ma vaetofia ni tagata ia lava e aveva ma faufautua o talafaasolopito o aiga ia fetau ma manaoga o le uarota. • E talanoa ma le taitai vaega o faitaulaga sili (po o se tagata o le au peresitene o le korama a toeaina ua tofia pe afai e leai se taitai vaega o faitaulaga sili), komiti a taitai o le perisitua, ma le aufono a le uarota e fautuaina mai aiga ma tagata e mafai ona faafesootai e faufautua o talafaasolopito o aiga. • Ia mautinoa ua faafesootai e faufautua o talafaasolopito o aiga ia tagata fou e fesoasoani e saili ai augatuaa ua maliliu ma tuuina atu sauniga o le malumalu e manaomia mo i latou. <p>Uunaia tagata</p> <ul style="list-style-type: none"> • E fai ma faataitaiga i le faia o galuega o talafaasolopito o aiga. • E fesoasoani i tagata ia aofia i le faatinoga o le galuega e ala i le faasoaina atu o molimau ma aafiaga ma ia mautinoa o loo aaoaina e le aunoa ia aooaga faavae, mataupu faavae ma faamanuiaga e faatatau i le galuega o malumalu ma talafaasolopito o aiga i fonotaga po o sauniga a le uarota. • Fesoasoani i tagata e saunia mo le mauaina o o latou lava sauniga o le malumalu. • Uunaia tagata ina ia sailia o latou aiga ua maliliu ma tuuina atu sauniga o le malumalu mo i latou.
<p>Taitai vaega o faitaulaga sili (po o se tasi e tofia o le au peresitene o le korama a toeaina pe afai e leai se taitai vaega o faitaulaga sili)</p>	<p>Faamaopopo galuega o malumalu ma talafaasolopito o aiga a le uarota:</p> <p>Vaia galuega a faufautua o talafaasolopito o aiga</p> <ul style="list-style-type: none"> • E fai ma faataitaiga i le faia o galuega o talafaasolopito o aiga. • E fautuaina se tagata po o ni tagata e mafai ona valaauina ma vaetofia e le au epikopo o ni faufautua o talafaasolopito o aiga. • Ia mautinoa ua lava ni faufautua o talafaasolopito o aiga ua valaauina ia fetau ma manaoga o le uarota, e aofia ai i latou e manaomia e faataunuu ia tofiga o le uarota e fesoasoani i se nofoaga autu o talafaasolopito i le siteki (i tulaga e faatatau i ai). • E taitaia talanoaga e uiga i talafaasolopito o aiga i fonotaga a komiti a taitai o le perisitua ma aufono a uarota, i lalo o le taitaiga a le epikopo, e fautuaina atu ai ni tagata ma aiga e mafai ona galulue taitoatasi ma faufautua o talafaasolopito o aiga. • Fesoasoani i faufautua e faataunuu o latou tiutetauave. <p>Fautuaina tagata e galulue o ni au faigaluega e sailia tala faamaumau</p> <ul style="list-style-type: none"> • E fautuaina atu tagata e galulue o ni au faigaluega e sailia tala faamaumau o aiga i siteki e auai i le sailia o tala faamaumau o aiga.

	<p>Lipoti</p> <ul style="list-style-type: none"> • E lipoti atu e uiga i gaioiga o malumalu ma talafaasolopito o aiga (e aofia ai lipoti o galuega taitasi e faia e faufautua o talafaasolopito o aiga, mo tagata o le ekalesia) i faatalanoaga ma taitai perisitua ma fonotaga a le komiti a taitai o le perisitua ma aufono a uarota ma maua mai le taitaiga mai le epikopo.
<p>Taitaiga a le vaega o faitaulaga sili ma le au perisitene o le korama a toeaina</p>	<p>Uunaia galuega o malumalu ma talafaasolopito o aiga i le vaega po o le korama:</p> <ul style="list-style-type: none"> • E fai ma faataitaiga i le faia o galuega o talafaasolopito o aiga. • Ia mautinoa o loo aoaoina e le aunoa ia aooga faavae, mataupu faavae ma faamauia e faatatau i le faaolaina o e ua maliliu i fonotaga a le au perisitua. • Uunaia tagata e saili o latou aiga ua maliliu ma tuuina atu sauniga o le malumalu mo i latou. • E mafai ona faatulagaina se komiti a le malumalu ma talafaasolopito o aiga i le vaega po o le korama e fesoasoani e faalauiloa atu galuega o malumalu ma talafaasolopito o aiga.
<p>Faufautua o talafaasolopito o aiga</p>	<p>Tuuina atu i tagata taitoatasi le fesoasoani i talafaasolopito o aiga:</p> <p>E galulue faatasi ma tagata ua amata pe o faaauau foi a latou galuega o talafaasolopito o aiga</p> <ul style="list-style-type: none"> • E aapa atu i tagata taitoatasi ma aiga o le uarota, o ni nai tagata i se taimi, ina ia uma ae ua maua uma e le uarota le avanoa e maua ai le fesoasoani i talafaasolopito o aiga. • E taulai atu i na tagata taitoatasi ma aiga na fautuaina atu e le komiti a taitai o le perisitua po o aufono a uarota, e ala i le taitai vaega o faitaulaga sili. • E fono ma tagata i o latou fale, pe a mafai. • E fesoasoani i tagata e saili augatuaa ma ia mautinoa ua tuuina atu sauniga o le malumalu mo i latou. • Fesoasoani i tagata e le i ai ni komepiuta pe le masani foi i le faaogaina o se komepiuta e saunia faamatalaga faaleaiga mo sauniga o le malumalu. • E vave feiloai ma tagata fou pe a uma o latou papatisoga e faamalamalama i ai i se auala faigofie ia aooga faavae o le faaolaina o e ua maliliu ma le auala e mafai ai e nei tagata ona amata ia galuega o malumalu ma talafaasolopito o aiga. • Fesoasoani i tagata fou e saili augatuaa ua maliliu ma saunia igoa o nei augatuaa mo sauniga o le malumalu. • E o atu faatasi ma tagata fou e avea o se uo, pe a talafeagai, pe a latou o atu i le malumalu ina ia papatisoina ai ma faamauina mo o latou augatuaa. <p>Faiaoga</p> <ul style="list-style-type: none"> • E fai ma faataitaiga i le faia o galuega o talafaasolopito o aiga. • E faiaoga i vasega o talafaasolopito o aiga i le taimi o le Aoga Sa, pe a tofia ai e le au epikopo. • Tuuina atu le aooga mo talafaasolopito o aiga, pe a tofia ai e le fautua maualuga o loo avea ma faufautua e ala atu i le au epikopo po o se taitai vaega o faitaulaga sili. <p>Auauna atu i se nofoaga autu o talafaasolopito o aiga</p> <ul style="list-style-type: none"> • E auauna atu i se nofoaga autu o talafaasolopito o aiga, pe a tofia ai, pe afai e tofia le uarota e fesoasoani i le nofoaga autu o talafaasolopito o aiga.
<p>Faatonu o le nofoaga autu o talafaasolopito o aiga</p>	<p>E taitai i se nofoaga autu o talafaasolopito o aiga:</p> <ul style="list-style-type: none"> • E nafa ma le faatautaiga o le nofoaga autu o talafaasolopito o aiga. • Ia mautinoa o loo mulimulitaia ia aiaiga ma faiga faavae a le Ekalesia. • E vaai i latou o e auauna atu i nofoaga autu ma fai tofitofiga o tiute ma matafaioi.

	<ul style="list-style-type: none"> • Ia mautinoa o i latou o e auuuna atu i nofoaga autu ua aaoaina e fesoasoani atu i tagata uma e faaaogaina ia punaoa o nofoaga autu i le sailia o o latou augatuaa ma fesoasoani i tagata e tuuina atu sauniga o le malumalu mo o latou augatuaa. • E fai ma faataitaiga i le faia o galuega o talafaasolopito o aiga.
Faatonu lago-lago o le nofoaga autu o talafaasolopito o aiga	<p>E fesoasoani i le faatonu o le nofoaga autu o talafaasolopito o aiga e pei ona manaomia ai:</p> <ul style="list-style-type: none"> • E faatinoina tiute faaletaitaiga e tofia ai e le faatonu. • E faataunuuina tiute o le faatonu pe a le auai atu le faatonu. • E fai ma faataitaiga i le faia o galuega o talafaasolopito o aiga.
Faufautua o talafaasolopito o aiga e auuuna atu i se nofoaga autu o talafaasolopito o aiga	<p>Faia tiute i le nofoaga autu o talafaasolopito o aiga:</p> <ul style="list-style-type: none"> • E fesoasoani i tagata o le ekalesia ma tagata o le alalafaga e faaaoga punaoa o talafaasolopito o aiga e saili ai augatuaa ua maliliu. • Fesoasoani i tagata e faaaoga punaoa o le FamilySearch e saili ai ma faia sauniga o le malumalu o loo manaomia mo o latou augatuaa ua maliliu. • Faia galuega a le nofoaga autu e pei ona tofia i ai e le faatonu o le nofoaga autu o talafaasolopito o aiga. • E fai ma faataitaiga i le faia o galuega o talafaasolopito o aiga.
Faatonu e sailia tala faamaumau o aiga a le siteki	<p>Taitaia le sailia o tala faamaumau o aiga:</p> <ul style="list-style-type: none"> • E aaoaina ma fesoasoani i le au faigaluega e sailia tala faamaumau o aiga. • E tuuina atu i le au faigaluega e sailia tala faamaumau, le avanoa e faaaoga ai punaoa a le Ekalesia, e pei o polokalama i le initoneti, masini ma fale. • Talosagaina ma tufa ia faamaumauga e sailia. • E fai ma faataitaiga i le faia o galuega o talafaasolopito o aiga.
Faatonu lago-lago e sailia tala faamaumau o aiga a le siteki	<p>Fesoasoani i le faatonu e sailia tala faamaumau o aiga a le siteki e pei ona manaomia ai:</p> <ul style="list-style-type: none"> • Faataunuu tiute faaletaitaiga e tofia ai e le faatonu. • Faamaopoopo galuega e saili ai tala faamaumau i uarota ma paranesi e toatele le au faigaluega e sailia tala faamaumau. • E fai ma faataitaiga i le faia o galuega o talafaasolopito o aiga.
Tagata faigaluega e sailia tala faamaumau o aiga	<p>Faatinoina tiute o le sailia o tala faamaumau o aiga:</p> <ul style="list-style-type: none"> • Faia galuega o le sailia o tala faamaumau o aiga. • E galue i lalo o le taitaiga a le faatonu e sailia tala faamaumau o aiga a le siteki. • E fai ma faataitaiga i le faia o galuega o talafaasolopito o aiga.

© 2007 Puletaofia e le Intellectual Reserve, Inc. Ua taofia aia tatau uma. Lolomiina i le ISA. Faamaonia le faaPeretania: 5/07. Faamaonia le faailiuga: 5/07.
O le FamilySearch o se faailoga faavaomalo a le Intellectual Reserve, Inc.

O LE EKALEZIA A
IESU KERISO
O LE AU PAIA O ASO
E GATA AI

